



# SIARAN AKHBAR


KEMENTERIAN KESIHATAN

## KENYATAAN MEDIA COVID-19


### NEGARA BRUNEI DARUSSALAM

12 Rabiulakhir 1444 / 07 November 2022

- I. Dalam masa satu minggu kebelakangan ini, jumlah kes COVID-19 yang dilaporkan di Negara Brunei Darussalam menunjukkan peningkatan di mana kadar purata harian kes pada minggu lepas ialah 554 kes sehari, berbanding dengan 485 kes sehari pada minggu sebelumnya. Sebanyak 39,588 keputusan ujian ART telah dimuatnaik ke aplikasi *BruHealth* dalam masa satu minggu di mana 9.7% daripadanya adalah keputusan ujian ART yang positif.




Jumlah kes COVID-19 yang telah dilaporkan di Negara Brunei Darussalam sejak Februari 2022



Jumlah kes COVID-19 satu minggu kebelakangan berbanding dengan minggu sebelumnya

- i) Pada hari ini, **tidak ada kes** di dalam Kategori 5 yakni yang memerlukan rawatan di Unit Rawatan Intensif (ICU) manakala **satu kes** berada di dalam Kategori 4 iaitu yang memerlukan bantuan oksigen dan di bawah pemantauan rapi.
  - ii) Sehingga kelmarin, 06 November 2022, kadar liputan vaksinasi COVID-19 di Negara Brunei Darussalam kekal berada di tahap yang tinggi dengan **78.7%** daripada keseluruhan rakyat dan penduduk negara ini telah mendapatkan dos ketiga vaksin dan **10.9%** juga telah mendapatkan dos keempat.
2. Pada hari ini, sebanyak **586 kes baru** telah dilaporkan iaitu 581 kes hasil ujian ART dan 5 kes adalah hasil dari 144 ujian makmal RT-PCR yang telah dilakukan dalam masa 24 jam yang lalu.

3. Sementara itu, trend kes *Influenza* dan jangkitan serupa *Influenza* (*Influenza-like Illness, ILI*) pada minggu lalu terus menunjukkan penurunan menuju ke paras normal. Orang ramai adalah diingatkan untuk terus berwaspada dan mengambil langkah-langkah pencegahan seperti mengasingkan diri jika mengalami tanda-tanda jangkitan dan mengelakkan dari tempat-tempat yang penuh sesak. Segera berjumpa doktor jika tanda-tanda jangkitan berterusan atau semakin teruk. Dapatkan suntikan *Influenza*, khususnya bagi mereka yang berumur 60 tahun ke atas dan mereka yang mempunyai masalah-masalah kesihatan.



4. Di kesempatan ini, Kementerian Kesihatan ingin memaklumkan kepada orang ramai bahawa pada masa ini, Kementerian Kesihatan dengan kerjasama EVYD Technologies sedang menjalankan Kajian Pengurusan Diabetis (*Diabetes Management Study*) yang disasarkan untuk membantu individu yang menghidap Type 2 Diabetes dalam penjagaan diabetis masing-masing. Antara lain, objektif kajian ini adalah bagi menilai

keberkesanan kaedah-kaedah pengawalan secara digital dalam penjagaan diabetis. Penyertaan bagi kajian ini telah bermula sejak bulan April 2022 sehingga penghujung bulan ini di mana seramai 180 peserta disasarkan untuk menyertai kajian ini. Orang ramai adalah sangat dialu-alukan untuk menyertai kajian ini bagi membantu Kementerian Kesihatan menilai keberkesanan strategi-strategi dan program-program kesihatan yang disediakan di negara ini, khususnya berkenaan penyakit-penyakit tidak berjangkit (NCDs) seperti diabetis. Orang ramai yang berminat dan didapati memenuhi kriteria-kriteria bagi kajian ini akan seterusnya dijemput untuk menyertai kajiselidik berkenaan. Peserta kajian akan menerima pemantauan kesihatan yang luas dan menyeluruh daripada jurulatih kesihatan profesional dan pakar pemakanan, pelan pengurusan tahap gula darah yang bersesuaian dan penjejak kecergasan pintar (*smart fitness tracker*). Orang ramai yang berminat untuk menyertai kajian ini boleh memohon melalui aplikasi BruHealth atau menghantar e-mel kepada [diabetesstudybn@gmail.com](mailto:diabetesstudybn@gmail.com) atau menghubungi talian seperti yang tertera di skrin sekarang.

On screen: 7217047 atau 7217057

[[Play Video on Diabetes Study](#)]

4. Semoga Negara Brunei Darussalam berserta seluruh rakyat dan penduduknya sentiasa terpelihara dari segala bencana dan wabak

penyakit serta berada di dalam perlindungan Allah Subhanahu Wa Ta'ala  
jua. Aamiin Aaminn Ya Rabbalalamin.

-      **TAMAT**      -

Rujukan : KK/PR/2

Tarikh : 12 Rabiulakhir 1444H / 07 November 2022